

تاریخ عثمانی انجمنی

مجموعہ سی

ایک آیدہ برنشر اولنور

مندرجات

طوقبو سرای جاپونی	عبدالرحمن شرف
استانبولده الك اسکی عثمانی کتابہ سی	خلیل ادھم
عثمانی تاریخ نویسری ومورخلری (مابعد)	نجیب عاصم
وقعہ نویس تشریقاتی ادیب افندی۔ سلیم ثالثک بعض اوامرمہمہ سی محمد غالب	
روم سلجوقی دولتک انقراضیلہ تشکل ایدن طوائف ملوک	احمد توحید
بر وثیقہ قدیمہ	
دوقتور قراچون ابرہ	نجیب عاصم
تفرقہ : تاریخ سلطان محمد ثانی۔ مؤلفی قریتو وولوس۔ مترجمی قارولیدی	

فیثائی ۵ غروش

مرجعی — باب عالی تاریخ عثمانی انجمنی

استانبول

تاریخ عثمانی انجمنی

طبعہ عثمانی

۱۳۲۹

وقعه نویس تشریفاتی ادیب افندی - سلیم ثالث

بعض اواخر مهمہ سی

بیک ایکی یوز بر سنہندہ و عبدالمجید خان اولک اواخر سلطنتدہ روسیہ و نمچہ دولتریلہ وقوعبولان محاربهلر ایچون سردار اکرم تعین اولنان صدر اعظم قوجہ یوسف پاشانک درسعادتن حرکتدہ معناد اوزرہ رکاب هایونده وکالہ قالدہجق ارکان دولت نصب ایلدیکی صرہدہ وقعه نویس وکالہدہ تشریفاتی ادیب افندی تعین قلتنش و خاقان مشارالیک ارتحالی تاریخی اولان ایکی یوز اوج سنہسی رجینک اوتجی کونہ قدر ضبط وقایع ایستدکن صکرہ سلطان سلیم ثالث جلوسندہ وقعه نویس لکدہ ابقا و قدر و اعتباری اعلا قلمشدر . ادیب افندینک کشیدہ سلیک تحریر ایلدیکی تاریخ کہ بیک ایکی یوز یدی سنہ قدر اولان وقایعی شاملدر مطبوع دکلدر . فقط تاریخ جودتک مأخذلرندندر . ادیب افندینک مقدمہ تاریخده ذکر ایلدیکی د اہم مہام دولت علیہدن اولان ضبط وقایع خصوصنک دخی وجہ لایقی اوزرہ تحت رابطہیہ ادخال اولنسنہ ارادہ علیہلری تملق ایتمککہ فیما بعد بوعبد بیقمدار و ذرہ خاکسارلریچون کماکان ضبط وقایع خدمتدہ قیام و تکلفات منشیانہدن عاری و جہلہ امرتحریردہ بذل اہتمام ایسون و مایہ رابطہ تاریخ نویسان دولت آنجق محرمیت خفایای مصلحتدر ، بوصورتدہ کندوسندن بعض سرائر دولت علیہ دخی کتم اولنسون دیو قائمقام پاشا قوللرینہ خطاباً خط هایون مہبت مقرونلری شرفیافتہ صدور اولملہ ، فقراتی ایسہ سلطان سلیم ثالث و قایمک صحت اوزرہ ضبطہ اعتناسی کوسترر و ادیب افندینک قید ایلدیکی وقایمک شایان اعتماد بولندیغی اثبات ایدر .

ادیب افندی تاریخده مصادف نظر اولان مقالات صرہندہ (رفع

عیدہ و ہدیہ ورشوت و شروع نظام) عنوانی بولتان مقالہ سلیم ثالث
حضرت تارینک افکار و نیات سنیۃ مجدد پرورانہ بر دلیل اولقلہ مقالہ
مذکورہ عیناً درج اولتور : محمد غالب

رفع عیدہ و ہدیہ ورشوت و شروع نظام . - سنین کثیرہ
وزمان و غیرہ دنیرو عدم نظارت و اہتمام و ترک قواعد مہمہ نظام ایلہ
دولتعلیہ ابدی الدوام صاتها اللہ تعالیٰ الی یوم القیامک اکثر امور ی قرین
شورش و اختلال اولوب از جملہ ذی وقیافہ خصوصاً ناسک و ضیع
و شریفی بر بردن فرق و تمیزدن قالب مراتب علیہ اصحابندن کبار دولت
و بلکہ وزرای عظامہ مخصوص اولان ذی قیمت سمور و سمور نافہسی
و طونلق و رضایی شالر و الماس یوزک و خنجر و بیچاق و مرصع ساعتلی
خدمہ و اصناف مقولہ لری استعمال و خدمہ دن شالی و الماس خنجر ی
اولیائی افندی لری استقال ایدوب حدی اولسون اولسون و قدرتی یتر
و یتمز ہر کس ذکر اولتان البسہ ہوس ایتکلہ عامۃ انام افلاسہ چیقوب دولت
علیہ نک خزائن بیشمار ی پیدر بی ہندہ و فرنگستانہ کیدوب مضائقہ کلیہ بہ
باعث و نیجہ نیجہ محذورانہ بادی اولدیتندن قطع النظر ارتکاب رشوت
و مظالمہ سبب و علت اولقلہ ابتدا بو خصوصک تحت رابطہ و نظامہ وضعی
درجۃ و جوبہ رسیدہ اولدینی اجلدن فیما بعد خدمۃ دولتعلیہ و ارباب
مراتب دیوانیہ دن اولوب و مجرد ارکان سمور کورک کینلردن ماعدا
کتبہ و خدمہ و اهل سوق و اصناف مقولہ سی ہر کیم اولور ایسہ اولسون
سمور و قائم و و شق کورک و شال قوشاق و ہندی و انواع چیچکلی قماش
کیمیوب و علمای فحام حضراتندن استانبول ممزوللرینہ و خواجکان
دیوان ہایوندن مناصب ستہ اربابنہ کلنجہ و قوجی باشی اغلردن ماعدا
اولان ارباب مناصب دخی اولور ایسہ ایچی ضد اللی بنش وجہ و کبارہ تقلید
ذیقیمت و کرانہا مجوہر ساعت و الماس یوزک و خنجر استعمال ایتیموب
و نسا طاقہ سی دخی فیما بعد انکلیز شالیسی جو قہ سندن البسہ قطع

ایتدیرمیوب و قطع ایدن خیاطلرک حققرندن کلنمک واصناف مقوله سندن اولانلر قطعاً جیفنلی قاووق کیسیوب سائر دن امتیاز ایچون هیئت لریخی اویدرمق ودخی وزرای عظام ورجال دولت علیه دائره لرنده اغر ایشلمه قهوه پشکیری وکلاب مقرمه لری وجموهر معجون حققرلی بیوده مصارف زائده اولدیتندن ماعدا فضله و مجرد خدمه نك کثرت و تعددنه محتاج اولغله فیما بعد هیچ بر مجلسده رسم مذکور اجرا اولنمیوب فقط قدیم و مسنون اولان ساده جه کلاب و بنجور ایله آکرام اولنوب حقه و پشکیر و مقرمه رسمی منع و دفع اولنمق بابنده مهابتیریز صدور اولان خط هایون معدلتقرون موجبجه اقتضا ایدن محلله خطاباً اوامر علیه الشان تحریر وائمه محلاته وارنجه سویسو ارسال و تسیر اولنوب مضمون اطاعت مقرونه مغایر حرکت ایدنلرک جزای لایقه لری اجرا سیله تأدیب اولنه جقرلی کرکی کبی تفهیم قلندقدن صکره طرف سلطندن مخصوص خصکیلر تعیین بیورلمغله مغایر نظام پادشاهی حرکت جساتر برله اله کیرن بعض سفهانک برقاچی تأدیب و چند روز ظرفنده تحت رابطه به کیروب خدمه واصناف ایله ارباب مراتب البسه سندن معلوم و بونظام مستحسنه عامه عباد اللهه محض خیر برضیافت شیرین اولدینی صغیر و کبیره مجزوم اولغله باعث مداومت دعای اجابت ایات پادشاه انام اولدی ودخی باعث ارتکاب ظلم و ستم اولان قضایانک اعظمی دفع ورفعیله تطهیر ذیل دولت علیه ایده جک محذاتانک اهم واقدمی زیرده مسطور عادات و رسوماتک منع ورفعه توقف ایلدیکی رأی اتفاق ارای وکلای دولت تقریر و تلخیص صدر عالی منقبت ایله قرار داده طبع هایون بیورلمغله فیما بعد جانب صدر عالیدن ووزرا و سائر لری طرفندن رمضان شریفده یللق هایون تعبیرله اندرون هایونه ویریلان و باب اصنی و باب دفتریده جانب صدر اعظمیدن و کتخدایک و دفتردار افندی و رئیس افندی طرفلرندن و سائر لرندن دائره لره ورجال و کتبه به و بعضاً بر برلرینه عیدیه تعبیرله ویریلان بوغچه لر و علمای کرامه رمضانده طرف اصقیدن افطاریه نامیله ویریلان ساعتلر

ویرلیوب اسرافات مذکورہ نك بالکلیہ رفع وازالہ سی وپووجہلہ ہم نظام دولتک اختلالدن صیانتی و ہم امتعہ خندیہ وافر نیجیہ نك رواجی کسر و اسرافات و اتلافاتک رفعی فرمان ہایون بیورلیوب فی نفس الامر بونلرک اکثری ویریلان محللرہ کورہ شیئی خیس اولوب انلر اشیا ی مذکورہ نك خاستہ نظر آ قبولدن متفر اولہرق مجرد رسدر دیو ضروری قبولہ مجبور اولدقلری دخی ظاہر اولقلہ رفعی رأی حسن اولدینی و بعض ایالات و بعض منصبک رکاب ہایونہ مخصوص قدیمی معناد اولان یتش ایکی کیسہ و طرف صدر اعظمیہ معین التمش درت کیسہ تقوودن ماعدا بوغچہ و سائر عیدہ تمیر اولنور اشیا نك جملہ سی و بالادہ مذکور اولدینی اوزرہ اندرون ہایونہ و طشرہ یہ ویریلان بوغچہ لر و ساعتلر جملہ سی رفع اولنلق و فقط صدر اعظملر طرفلرندن ایام معدودہ دہ رکاب ہایونہ دونامش اسب کیدہ سی جائز اولوب و دفتر مفردات منظوقجہ سنہ بردفہ یوز بیک غروش دائرہ ہایونہ عیدہ بہا ویریلوب و دائرہ صدر اعظمیہ و سائر دائرہ لر دہ بولسان اندرون اغاسی و چوقدار و قرہ قوللقچی تمیر اولنور کندو خدمہ لرندن ماعدا بہ یللق ویرلامک و خدمہ مذکورہ یہ دخی چوقہ و قشاش ویرلیوب انحق تقد اجہ اعطا اولنلق و بر موجب دفتر مفردات بعض ایالات و محللر دن عیدہ ہایون نامیلہ یتش ایکی کیسہ اجہ و عیدہ صدر عالی نامیلہ التمش کیسہ اجہ التمش و بالادہ مطور عیدہ واقشہ ہندیہ و مجوہرات و افطاریہ ساعت و سائر کونہ برنسہ و برجہ ویرلامک و التماق و بعد الیوم بونظام دستور العمل طو تلیق مقتضای ارادہ ہایون اولوب فیما بعد خلافتہ ہر کیم حرکت ایدر ایسہ مظہر لغنت اوللق ضمنندہ مبارک خط ہایون مہاجتقرون صادر اولقلہ صورت خط ہایون تشریفات قلمنہ بعد القید موجبجہ عمل اولنلق ایچون محللرینہ بشقہ بشقہ علم و خبری ویرلدی و دخی برمدتن بری و زرای عظام و میرمیران کرامہ توجیہ اولنان ایالات و انویہ حسب الاقتضا سنہ سی ختامندن محل آخرہ صرف و تحویل ایلہ جائزہ و عوایداتی تراکم ایلدیکندن بشقہ

قبو کتخداری بولنانلر جائزہ وعوائداتی وقتیلہ ادا ایده میوب بوضورتده وزرا ومیر میران دیون کثیره به مبتلا اولدقلری واضح واشکار اولدیقنه بناءً اناطولی وروم ایلیده واقع ایالات والویه دن طرف صدر اعظمی به وکتخدا بک طرفه معناد اولان جائزہ لریله تبشیر مکتوبی جائزہ لری وبرموجب دفتر تشریفات توجیه وابقارده رئیس الکتاب افندی جائزہ سی وکوک چوقه وقاش بوغچه لری دفتری مبارک وركاب کامیاب خسروانه به عرض اولدقدده اراده علیه ملوكانه لری مجرد اسایش ورفاه حال عالمه متعلق اولقدن ناشی اناطولی وبضداد مع بصره ومضر قاهره وشام وطرابلس شام وصیدا وروم ایلی وسیواس وحلب وسلتره وطربزون وقرمان وارضروم وچلدیر وموصل وديار بكر وشهرزور وقبودانلق دریا وکرید ومحصلق مورد وبوسنه وجده ایالتلریله اناطولی وروم ایلیده واقع سائر الویه نك برمقتضای وقت و حال تحمللرینه کوره جائزہ لری تنزیل ومجدداً ترتیب اولنوب سائر بوغچه بها وتبشیر مکتوبی رسملری کلیا رفع وترقیق وتقداً ویریلان رئیس افندی جائزہ سیله میرعلم اقا عوائدی وسائر عوائدات جزئیه دن چوقه وقاش مقوله سی دخی نقده تبدیلاً ویریلوب وذکر اولنان ایالات والویه نك بری حسب الاقتضا سه سی ختامندن اون بر ماه مرورنده دخی اخره صرف ومحویل اولنلق اقتضا ایدر ایسه ذکر اولنان جائزہ وعوائداتی سابق ولاحق وزرا ومیر میران قبو کتخداری بینلرنده حضره شروطی مثلو یوم القسط حسابی اوزره ردی اقتضا ایدن مبلغی بلا تأخیر سلق قبو کتخداسی طرفه رد وتسلیم اولنوب فیما بعد اشبو نظام دستورالعمل مرعی ومعتبر طوئلق اوزره خط هایون شوکت مقرون صدور ایتمکین دفتر تشریفات به بعدالقیده عموماً وزرای عظام طرفلرینه مهوراً برر قطعه علم وخبر صورتلری تحریر وارسال اولندی .

